



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Trismegistus Doctrinæ Christianæ Tertio Continuatus,  
Seu Brevis Expositio Sciendorum De Ultima Voluntate  
Hominis Christiani In Spiritualibus, Atque Temporalibus,  
Methodo Morali-Theologica concinnata, ...**

**Mayr, Cherubinus**

**Salisburgi, [ca. 1735]**

§. III. Praxis ultimæ voluntatis ad Finem ultimum, sive Formula Bonæ  
Intentionis.

**urn:nbn:de:hbz:466:1-42295**

§. III.

Praxis ultimæ voluntatis ad Finem  
ultimum, sive

FORMULA BONÆ INTENTIONIS.

O Mi DEUS Omnipotens, Rex & Monarcha<sup>37</sup>  
cœli & terræ, DEUS meus & omnia! Ego  
indignissimum plasma, & abjectissimus vermiculus  
tuus, ex recognitione supremi dominii, quod in me,  
ac universas res creatas habes, coram altissima Ma-  
jestate tua usque in abyssum mei nibili prostratus, te  
tquam meum Principium, & Finem ultimum  
adoro, laudo, & glorifico, in unione illius adora-  
tionis, laudis, & honoris, quem tibi in terris ex-  
hibuit Sanctissima Christi, unigeniti Filii tui Hu-  
manitas, ejusque Mater superbenedicta, MARIA  
Virgo sinè labe concepta, cum tota cœlesti Curia,  
& omnibus justis, quotquot fuerunt, sunt, &  
erunt. Tibi me in servum consecro perpetuum,  
mèque totum, cum corpore & anima, & cum  
omnibus potentiis in- & externis tibi offero; Vo-  
lens, quantum in me est, ut omnes meæ opera-  
tiones, mentis, & corporis, omne meum intelli-  
gere & velle, omnia verba, syllabæ, & litteræ,  
quas protulero, legero, scripsero, vel audivero,  
omnes motus, & pulsus cordis atque arteriarum,  
omnes gressus, halitus, & singultus, ac quidquid  
demum in me est, movetur, aut vivit; omnia, in-  
quam, in æternam tuam laudem & gloriam ce-  
dant. Et quia hæc omnia nimis sunt exilia, ea  
simul,

simul, & quodvis ipsorum seorsim, cum omnibus Christi, B. Virginis, & universorum sanctorum ac iustorum actionibus, passionibus, ac obsequiis, tibi hucusque prestitis, & per omnem dehinc eternitatem præstandis unio, compono, & conjungo. Nil porro intellectus meus cogitet, nisi DEO servire; nil voluntas concupiscat, nisi DEUM amare; nil lingua loquatur, nisi DEO magnificum; nil sensus percipiant, nisi DEO glorificum; nil corpus attentet, nisi pro DEO laborare; nil anima studeat, nisi DEO se adunare. Hoc unicum, votum, hoc unicum desiderium, cum DEO, & DEO vivere; in DEO, & DEO mori. Hic primus, & ultimus totius vitæ meæ scopus, DEO servire; DEUM intelligere, & amare; DEO frui, hic in via, ibi in patria; nunc, & in perpetuas eternitates, Amen.

## CAPUT II.

### De mediis internis

Ad Finem ultimum ultimæ voluntatis.

#### §. I.

Expositio Doctrinæ Christianæ.

Punctum I. Quotuplicia sunt hæc media interna?

RE-